

S. CONGREGAZIONE DI PROPAGANDA

SEGRETERIA

N. 1911.

Roma, li 9 maggio 1885.

R. P. D. ALEXANDRO TASCHEREAU

ARCHIEPISCOPO QUEBECENSI

Ill.me ac R.me Domine,

Sacra haec Congregatio Fidei Propagandae praeposita pluries Episcopos huius provinciae notari non omisit ut operam suam, diligentissime impenderent ne in publicis ephemeribus ea inscriberentur, quae varias controversias circa negotia ecclesiastica isthuc enatas respiciunt. Neque his hortationibus contenta, latis Auctoritate Summi Pontificis decretis, quae prius monuerat indicere strictissime curavit. Experientia enim compertum est quantum haec agendi ratio catholicorum unioni officiat, et quantum intestinae discordiae et iurgia, quae ex hac causa necessario excitantur, valeant ad ministerium ecclesiasticum auctoritatemque cuiusque Sacri ordinis proculcandam, praesertim in locis catholicis mixti commorantur haeretici.

Verum cum media hucusque adhibita ad effraenatam hanc licentiam ompescendam parum profuerint, et pleno suo effectu caruerint, SS. D. N. Leo, div. prov. PP. XII in audientia diei 19 aprilis nuperelapsi vetitum huiusmodi iterum renovari iussit, omnibusque sive ecclesiasticis sive laicis gravissime inculcari. Praeterea eadem occasione Sanctitas Sua Tibi, aliisque Episcopis istius Provinciae, in virtute Sanctae obedientiae mandavit, ut de negotiis ecclesiasticis, de quibus agitur in Comitibus Episcoporum nunquam in posterum sermonem fieri in publicis ephemeridibus ipsi Praesules permittant, sed ea omnia sub secreto sanctissime omnino servent, ut libertas Episcoporum in iis conventibus sarta letaque sit, et scandalosae quaevis recriminationes posteadem comitia diligenter vitentur.

Coeterum Sanctitas Sua pro certo tenens fore ut Canadensis sacrorum Antistites, qui propriam fidem, pietatem atque erga Petri cathedram inconcussam devotionem tot probaverunt argumentis huic praecepto adamussim obediant et universos et singulos, qui ab eorum iurisdictione dependent, suaviter ac fortiter in officio contineant, Amplitudini Tuae, committit ut omnibus provinciae Episcopis praedictum mandatum secreto ab iis servandum patefacere properes.

Interim Deum precor ut Te quam diutissime sospitem servet

A. T.

Ad officia paratissimus

(Sign.) JOANNES CARD. SIMONI Praefectus.

D. Archiepiscopus Tyren. Secr.

Pro vero apografo

† E. A. Archie. Quebecens.